

莖中痒出白津用補中益氣湯與清心蓮子飲間服
蓋此證肝經陰虛爲本腫痛寒熱等證爲標須用六
味丸以生肝血凡脾土虛不能生金水而見一切肝
證者當佐以補中益氣湯加麥門冬以滋化源 一丹
治男子眈瘡或痛在莖之竅或痛在莖之標皆手足
太陽不利熱毒下傳入于足厥陰故變紫黑色作蝕
瘡毀其莖而死宜以子和泄水丸散導濕毒無不愈
者若已成瘡先泄其根次從標而治外以葱白黑豆
汁渌洗拭乾以黃連木香蜜陀僧乾胭脂之類細末
搽之如內潰膿不出以追膿散上之又用子和泄水

丸如後竅膿少可用黃連木香胭脂等貼之 一隣
人年三十性狡而躁素患下疳瘡或作或止夏初患
白痢膈上微悶醫與理中湯四貼昏悶若死片時而
甦予脉之兩手皆濇重取畧弦似數予曰此下疳瘡
之深重者與當歸龍薈丸去麝四貼而利減與小柴
胡去半夏加黃連芍藥川芎生薑煎五六貼而安
一男子近三十歲有下疳瘡雖屢求治以其不能忌
口却之忽一日頭痛發熱自汗衆作傷寒陽證治之
反劇予診其脉弦甚七至重按則澀予曰此證在厥
陰藥與證不相應遂作小柴胡湯加草龍膽黃連胡

黃連帶熱服四劑而病脫然

〔婁〕嘗治一男子下疳

瘡每恣飲酒則發醫與小柴胡湯加黃連數貼不効
又與玉燭散下之反劇予以甘艸節小建中湯各半
煎服之下咽痛止後以四物湯建中甘草等分與之
遂安

薛庶吉士劉華甫或莖中作痛或竅出白津

或小便秘澀先用小柴胡湯加山梔澤瀉黃連木通
膽草茯苓二劑以清肝火導濕熱諸證漸愈後因勞
倦忽然寒熱此元氣復傷也用補中益氣湯而安又
用六味丸生肝血滋腎水而全愈

州守姜節甫患

前證膿水淋漓作渴吐痰午前惡寒午後發熱余曰

午前惡寒屬陽氣虛弱午後發熱屬陰血不足不信
反服二陳黃檗知母之類飲食益少大便不實又日
晡熱渴小腹重墜患處熾痛却用四物黃檗知母之
類飲食亦不思余以脾氣虛而下陷先用補中益氣
湯調養脾胃以升陽氣諸證漸愈又用六味丸滋補
腎水以生肝血而痊 一小兒十五歲患前證雜用
消毒之藥虛證悉具二年餘矣詢之乃稟所致用革
解湯月餘諸證漸愈又用補陰八珍補中益氣二湯
而痊 一儒者莖中作痒發熱倦怠外皮浮腫二年
矣用八珍加柴胡山梔及六味地黃丸而愈有兼陰

毛間生蟲作痒者用桃仁研爛塗之 一儒者因勞而患炊痛寒熱體倦頭疼小便赤澀用補中益氣湯加車前牛膝山梔而愈 一儒者陰莖腐爛腫痛不止日晡熱甚口乾體倦食少欲嘔此肝脾血虛也先用六君子加柴胡升麻脾胃醒而諸證退更以補中益氣加炒山梔肝火退而腫痛痊

子和泄水丸

一名大智丸

大戟

芫花

甘遂

海帶

洗

海藻

洗

郁李仁

續隨子

各半雨

樟柳根

壹兩

右爲細末水煮棗肉爲丸如小豆大每服伍柒拾丸熟水下 按此藥太峻用者慎之

治下疳瘡先用張子和泄水去根後用此藥乾上

黃連

滑石 各半兩

定粉 叁錢

輕粉 少許

乳香 壹錢

蜜陀僧 貳錢

右細末乾上或加乾胭脂或加木香檳榔

大蘆薈丸

一名九味蘆薈丸

治肝火下疳潰爛或作痛焮

腫或治小兒疳膨食積口鼻生瘡牙齦蝕爛等症并蟲蝕肛門痒痛

胡黃連

蘆薈

黃連

木香

白蕪荑

青皮

白雷丸

鶴蝨艸

各壹兩

麝香

壹錢

爲末蒸餅糊丸桐子大每服壹錢空心米飲下

八正散 治下疳便毒小便淋漓脉證俱實者

大黃

車前子

瞿麥

萹蓄

山梔

木通

各貳錢

滑石

貳兩

甘草

壹錢

右水煎服

洗藥

洗毒湯

治陰蝕瘡

苦參

防風

露蜂房

甘草

炙各等分

右咬咀水煎濃汁洗瘡

金銀花散 治下疳瘡

金銀花

荊芥

朴硝

蛇床子

甘松

白芷

檳榔 各壹兩

右咬咀每用伍錢水伍碗加葱白叁根同煎數沸
盆盛水先熏後洗却上藥

洗藥 黃連 黃檗 當歸 白芷 獨活 防風

朴硝 荊芥 各等分 入錢伍拾文烏梅伍箇鹽壹匙

入水同煎溫洗日五七次敷下項藥

敷藥 木香 檳榔 黃連 銅青 輕粉 枯礬

海螵蛸

麝香

各等分

爲極細末洗後至夜敷上

千金治丈夫陰頭癰師所不能醫用鼈甲壹枚燒末以雞子白和傅良

丹下疳瘡

蛤粉

臘茶

苦參

青黛

蜜陀僧

右用河水洗瘡淨臘豬脂調敷并治賺瘡

又方

青黛

海蛤

蜜陀僧

黃連共爲末敷上

治一切熱毒惡瘡及下疳瘡用蜜陀僧黃檗各壹分半膩粉壹錢麝香少許先洗瘡拭乾傅之甚者三

四次

治下疳瘡雄黃黃連等分爲末濕者乾摻乾者油調
傅先用荊芥射干煎湯洗却傅之妙 一方用地
骨皮末傅之神効

追膿錠子

海藏

膿內潰不出此藥追之

雄黃

貳錢

巴豆

壹錢半

輕粉

壹字

外臺秘要云陰頭瘡蜜煎甘艸傅之安

又方用頭髮用鹽水洗去垢膩淨再用米泔洗過又
用清湯洗晒乾燒灰傅瘡上便結靨

又方 蒼耳葉爲末傅之

治下疳瘡黑形兎

名烏吊土各孩見沙爲末傅上神効

七寶檳榔散

治下元玉莖上或陰頭上有疳瘡漸

至蝕透久不愈者

檳榔

雄黃

輕粉

蜜陀僧

黃連

黃檗

朴硝

右爲細末和勻先以蔥白漿水洗淨軟帛搥乾如

瘡濕乾摻如乾小油調塗

玉粉散

治下陰瘡疼不止

滑石

蜜陀僧

寒水石

煅各半兩

膩粉

麝香 各少許

右爲細末油調傅或乾貼患處

蚯蚓散 治陰莖瘡

蚯蚓 貳分

豆粉 壹分

右用水研塗上乾又傅之一方用豉壹分

丹胞散 治玉莖上生瘡臭爛者

右以豬胞壹個連尿去一半留一半用新磚兩口炭火煨將豬胞連尿於磚上焙乾不住手一向移放於兩口磚上輪流不歇莫與火煨着胞待尿乾爲度研爲末入黃丹壹錢先用葱湯以鷺毛抹洗

以舊帛拭乾此藥摻三五次立見効

地連散 治玉莖上生瘡

右用地骨皮煎湯洗以訶子連核燒存性爲末乾摻

川連散 治下部注瘡

右以宣連爲細末漿水調成餅攤於碗面上內用艾及穿山甲叁片燒烟覆碗熏成黑色再取下如是者五次以黃連餅黑色爲度地上出烟毒再研細濕則乾塗乾則清油調塗三四次先用黃檗藿香茵陳煎湯溫洗

神妙方 治莖頭三五孔小漏瘡出血微膿

右用油髮燒作灰存性研細傅之乾則津唾調傅
仍以米飲調髮灰食前服

麝香散 治妬精瘡痒而濕者

麝香

黃礬

青礬 各等分

右爲細末小便後用少許傅之

治陰濕生瘡黃水流注

用白礬

不以多少

右研爲末以冷水洗瘡淨後傅之

津調散

治妬精瘡膿汁淋漓臭爛

黃連

欵冬花

各等分

麝香

少許一方不用

右爲細末先以地骨皮蛇床子煎湯洗軟帛拭乾
津調傅之忌生湯洗

胭脂散 治陰瘡

坯子胭脂

真蒙豆粉 各等分

右同研勻傅之

蝦蟇散 治陰濕欲盡瘡痛甚者

蝦蟇 壹枚
燒灰

兔糞 壹兩

右同研細每用少許傅瘡上日三四次

截瘡散 治年深瘡癰瘡大効

白芨

白斂

黃丹

蜜陀僧

各壹兩

黃連

半兩

輕粉

壹錢

冰片

麝香

各半錢

右爲細末和勻每用或摻或絀瘡中以膏藥貼之

甘石散

治下部瘡瘡

爐甘石

蜜陀僧

各壹錢半

輕粉

壹分

橡斗子

燒灰存性冬錢

龍骨

半錢

麝香

少許

右爲細末先用荆芥杜仲川椒煎湯放溫洗罷次

用藥些少乾貼

梔子散

治下疳瘡

右用梔子一枚去穰入明礬末麪糊封合口火燒